


«TASDIQLAYMAN»
“O‘zmilliybank” AJ Muammoli
kreditlarni undirish va yuridik
muvofiqlashtirish departamenti
direktori

I.X. Iskanov
“22” may 2026 y.

“O‘zbekiston Respublikasi Tashqi iqtisodiy faoliyat milliy banki” AJ
Muammoli kreditlarni undirish va yuridik muvofiqlashtirish departamenti direktori
rahbarligida o‘tkazilgan
7 - sonli yig‘ilish BAYONI

2026-yil «22» may

Toshkent shahri

Raislik qildi:

Muammoli kreditlarni undirish va yuridik
muvofiqlashtirish departamenti direktori

Qatnashdilar:

Muammoli kreditlarni undirish va yuridik
muvofiqlashtirish departamenti xodimlari,
Bankning xududiy bosh boshqarmalaridagi
undiruvga mas’ul xodimlar (zoom) va
Korrupsiyani oldini olish boshqarmasi xodimlari
Usmanov Xasan Turayevich hamda
Xudoynazarov Shavkat Abdumuminovich

KUN TARTIBI:

1. O‘zbekiston Respublikasi Prezidentining korrupsiyaga qarshi kurashish bo‘yicha xalqqa murojaatnomasida belgilangan vazifalarning mazmun-mohiyatini xodimlarga yetkazish.
2. Bank tizimida korrupsiyaviy xavf-xatarlarni aniqlash, oldini olish va bartaraf etish bo‘yicha ta’sirchan mexanizmlarni kuchaytirish.
3. Xodimlarda qonun ustuvorligi, xizmat intizomi, korporativ etika va shaxsiy mas’uliyat tamoyillarini mustahkamlash.
4. Komplayens nazorati, manfaatlar to‘qnashuvining oldini olish va bank nufuzini himoya qilish bo‘yicha amaliy tushuntirishlar berish.

Mashg‘ulotni Muammoli kreditlarni undirish va yuridik muvofiqlashtirish departamenti direktori Iskanov Ikromjon Xoldorovich ochib berib, mamlakatimizda korrupsiyaga qarshi kurashish davlat siyosati darajasidagi eng ustuvor yo‘nalishlardan biri ekanligini ta’kidladi.

Ayniqsa, O‘zbekiston Respublikasi Prezidentining xalqqa murojaatnomasida bildirilgan: **“Takror va takror aytaman. Korrupsiya – davlat taraqqiyotiga to‘siq bo‘ladigan, adolat va qonun ustuvorligini izdan chiqaradigan, jamiyatda ishonch muhitini zaiflashtiradigan eng jiddiy tahdid”** degan fikrlar har bir bank xodimi uchun xizmat faoliyatida amal qilinishi shart bo‘lgan asosiy tamoyil ekanligi qayd etildi.

Shuningdek, **“Korrupsiyaga yo‘l qo‘yish esa – islohotlarimizga xiyonatdir”** degan qat’iy talabdan kelib chiqib, tizimda halollik, ochiqlik va shaxsiy javobgarlik muhitini yanada kuchaytirish zarurligi ta’kidlandi.

Mashg‘ulot davomida bank tizimida uchrashi mumkin bo‘lgan korrupsiyaviy xavflar, jumladan:

- undiruv jarayonida qarzdor yoki uchinchi shaxslar bilan noqonuniy kelishuvlarga kirishish;
- garov mulkini realizatsiya qilish savdolarida “oldindan kelishilgan” xaridorlarni qo‘llab-quvvatlash;
- undiruv jarayonlarini asossiz cho‘zish evaziga noqonuniy manfaat olish kabi holatlar atroflicha muhokama qilinib, ularning oldini olish bo‘yicha aniq choralar belgilandi.

Alohida ta’kidlanganidek, **“Lavozimim, unvonim bor, menga hech kim tegmaydi”, deganlar adashadi. Qonun oldida hamma teng!”** degan talab barcha rahbar va xodimlar uchun birdek tadbqiq etiladi.

Shu munosabat bilan ishtirokchilarga:

- xizmat vazifalarini halol va vijdonan bajarish;
- mijozlar bilan munosabatlarda kasb odobiga qat’iy rioya qilish;
- har qanday noqonuniy takliflarga nisbatan murosasiz munosabatda bo‘lish;
- shubhali holatlar haqida zudlik bilan komplayens xizmati yoki rahbariyatni xabardor qilish;
- ichki normativ hujjatlarga so‘zsiz amal qilish zarurligi bo‘yicha tushuntirishlar berildi.

Korrupsiyani oldini olish boshqarmasi mas’ul xodimlari Usmanov Xasan Turayevich va Xudoynazarov Shavkat Abdumuminovichlar tomonidan ichki nazorat mexanizmlari, xavflarni baholash tizimi, anonim murojaat kanallari va profilaktik choralar haqida batafsil ma’lumot berildi.

Shu bilan birga, **“Komplayens xizmatining faoliyatiga to‘sqinlik qilganlar – korrupsiyaga sherik, deb baholanadi”** degan talabdan kelib chiqib, nazorat jarayonlariga to‘sqinlik qilish yoki ma’lumotlarni yashirish jiddiy javobgarlikka sabab bo‘lishi ogohlantirildi.

Mashg‘ulotda korrupsiyaning oldini olishda, eng avvalo, rahbarlarning shaxsiy namunasi hal qiluvchi ahamiyat kasb etishi alohida ta’kidlandi.

Qayd etilganidek, jamoada halollik, intizom va qonuniylik muhitini shakllantirish, birinchi navbatda, rahbarlarning ochiqlik, adolat va prinsipiiallik tamoyillariga amal qilishiga bog‘liqdir.

Xususan, rahbarlar:

- jamoaga shaxsiy ibrat bo‘lishi;
- xizmat vakolatidan shaxsiy manfaat yo‘lida foydalanmasligi;
- qaror qabul qilishda xolislik va shaffoflikni ta’minlashi;
- tanish-bilishchilik va guruhbozlikka yo‘l qo‘ymasligi;
- sog‘lom ma’naviy muhitni shakllantirishi;
- qonunbuzilishlarga nisbatan murosasiz munosabatda bo‘lishi zarurligi ta’kidlab o‘tildi.

Shuningdek, **“Davlatning har bir so‘m mablag‘i, resursi bo‘yicha shaxsiy javobgarlik kuchaytiriladi”** degan talabdan kelib chiqib, moliyaviy operatsiyalar, kredit ajratish va ichki nazorat jarayonlarida qonuniylikka qat’iy rioya etilishi shart ekanligi qayd etildi.

Barcha xodimlarni ogohlik va mas’uliyatga chaqirgan holda, hayot va mehnat faoliyati davomida noqonuniy ishlarga va uyushgan guruhlarga aralashmaslik, korrupsiya va firibgarlikni

o'ziga kasb qilib olgan elementlardan yiroq bo'lish, bu kabi holatlarga duch kelinganda zudlik bilan rahbarlari yoki korrupsiyaga qarshi tizim mas'ullarini xabardor qilish, xizmat faoliyati davomida hamda ishdan tashqari holatlarda, ayniqsa keng jamoatchilik orasida namunaviy shaxs sifatida namoyon bo'lishga intilish, noqonuniy ishlarga aralashmaslik, odob-ahloq qoidalariga rioya qilish, o'zi va oilasi sha'nini yuqori darajada ushlash lozimligi, eng asosiysi yuqori nufuzli idorada faoliyat yuritayotganligini unutmazliklari lozimligi haqida alohida to'xtalib, bu kabilarga amal qilmaslik qanday oqibatlarga olib kelishi to'g'risida o'z fikrlarini bildirdi.

Shu bilan birga, Korrupsiyani oldini olish boshqarmasi mas'ul xodimlari Usmanov Xasan Turayevich va Xudoynazarov Shavkat Abdumuminovichlar yig'ilish davomida "O'zmilliybank" AJda Korrupsiyaga qarshi kurashish tizimi mavjudligini yana bir bor eslatib, mazkur yo'nalishda yuzaga kelayotgan yoki shakllanayotgan noqonuniy elementlar yoki shu kabi ishlarni taklif etayotgan shaxslar to'g'isidagi mavjud ma'lumotlarni kechiktirmay taqdim etish maqsadga muvofiqligi, shuningdek, Korrupsiyaga qarshi kurashish yo'nalishida ushbu tizim tomonidan taqdim etilayotgan o'quv materiallarini, tegishli ma'lumotlarni mas'uliyat bilan o'rganish va doimiy ravishda malaka oshirib borishlari, korrupsiyaning har qanday ko'rinishiga nisbatan murosasiz munosabatda bo'lishlari lozimligi to'g'risida eslatmalar berib o'tdi.

Yig'ilish yakunida Muammoli kreditlarni undirish va yuridik muvofiqlashtirish departamenti direktori Iskanov Ikromjon Xoldorovich tomonidan bank tizimida korrupsiyaga qarshi kurashish, ochiqlik va shaffoflik tamoyillariga qat'iy rioya etish, har qanday noqonuniy holatlarning oldini olish yuzasidan tizimli choralar ko'rilayotgani alohida ta'kidlandi. Shuningdek, barcha rahbar va xodimlar xizmat faoliyatida halollik, mas'uliyat va ogohlikni kuchaytirish, korrupsiyaviy xavf-xatarlarga yo'l qo'ymaslik hamda odob-axloq qoidalariga qat'iy amal qilish zarurligi haqida ogohlantirildi.

QAROR QILINDI:

1. Prezident murojaatnomasida belgilangan vazifalar barcha xodimlar tomonidan chuqur o'rganilib, amalda ta'minlansin.
2. Korrupsiya, firibgarlik, manfaatlar to'qnashuvi va boshqa qonunbuzilishlarga nisbatan murosasiz munosabat shakllantirilsin.
3. Komplayens nazorati va profilaktik ishlar yanada kuchaytirilsin.
4. Xodimlarning huquqiy savodxonligi va kasbiy malakasini oshirish maqsadida doimiy seminar, trening va amaliy mashg'ulotlar tashkil etilsin.
5. Rahbarlar tomonidan sog'lom ma'naviy muhitni shakllantirish, xizmat intizomi va korporativ madaniyatni mustahkamlash bo'yicha tushuntirish ishlari tizimli ravishda olib borilsin.
6. Bank sha'ni va nufuziga putur yetkazuvchi har qanday harakatlarning oldini olish choralari kuchaytirilsin.
7. Mazkur bayonnomada belgilangan vazifalar ijrosini ta'minlash tegishli rahbarlar zimmasiga yuklatilib, umumiy nazorat departament rahbariyati tomonidan amalga oshirilsin.

Yig'ilish kotibi



N.Vapayev

ILOVA-1

[illegible]